

MUINE MUITUKISIZE!

Mwana a sikolo alimuñwi wa fa sikolo sesipahami sa university nautwilwe busihu inge hauweleza mulikanahae ya nali fahule-nyana hane bazwa kwa kubala. Na mutwile anza bulela kuli utuwezi kunatanga masholi busuhu. Mulikanahae a yema mi a mukupa kuli amutolokele libaka le ne litisa kuli a bulele cwalo. Kihasalusa kuli, nasaba kunata Jesu kakuli Jesu nabulezi kuli ukataha nako ifi kamba ifi ni haiba busihu.

Halukalisa kuitukiseza kutaha kwa mukopano omutuna wa bubeli wa Africa ili mwa kweli ya yenda silimo sa 2008, toho ya taba ilufa nako ye butokwa. %eleke mwa Africa mwa peleko ya swalelano, kusina sobozi, hamoho cwalo ni kuba ni kozo: u lizwai la lifasiõ u liseli la lifasi+ (Mateu 5:13-14). Ku amana ni lineamenta la mukopano wa bubeli wa Africa (2006:6), buino mwa Africa bubile ni liciceho zeñata kuzwa fa mukopano wa mafelelezo ono bile mwa silimo sa 1994. licinceho ze ki ze swana sina kupila hande ni batu, bwiino bwa sifumu, bubusisi mane ni buino bwa mioya ya batu.

Lika zeñata ze sweli kuezala mwa Africa sina lineamenta haibulela, litokwa kubelwa ngana, kulibala mane ni kuliutwisisa ili kuli litukufazo za likutazo za luna lisike za wela fa miutwa (mikakani) kamba mwa mubu wa macwe. Le kilona libaka leo likande la mwana wa fa sikolo sesi pahami sa university hali swanelwi kukeshebiswa. Ka buniti, kacenu, halukalisa nako ya tibeledu, halukala kuitukiseza kutaha kwa mulenaluna Jesu kreste ili fa mukiti wa Kilisimusi(Christmas) ni kanako ya mafelelezo, nako ya tibeledu ilufa sibaka sa kuipumanela nako yende ya kulibeledu inge lulapela. Nako ya tibeledu lubiziwa kuli lube Batu ba ba itukisize. Jesu ubulela uli %hamuzibi kuli nako itaha lili+.

Jesu uunga nako ye ya tibeledu kulubiza kuli luzuhe mwa buloko. Ubulera uli, %autokomele, muine inge muitukisizeõ + kakutaleleza tuto ya hae ye butokwa ya kuina muitukisize, hababulela nguli ya muna ya naya mwa musipili mi hasiyela babeleki bahae musebezi hasa bazibisi lizazi leo hatakuta ka lona. Babeleki nebasazibi lizazi leo mulena a bona akuta. Sene baziba feela kikuli mulena a bona utakuta. Ki mubeleki fela wa sikuba ya kasiya musebezi wa hae ni kusa mamela kutaha kwa mulena hae.

Kamukwa o swana Jesu kasibili mwa Evangelii uinga nako ye ya tibeledu kulubiza kuli luzuhe mwa buloko. Ubulera uli %muine muitukisize, muine inge mutonaõ +. Jesu wa lubiza ni luna kuli luzuhe mwa buloko ni kuli lutone kwa lika zeñata ze ezahala mwahala a bupilo bwaluna. Ulubiza kuli lu kwalule meto aluna kuli lubone babotana babañata ba ba sweli kunyanda, kuutwela butuku batu ba bakula butuku bwa mbande(AIDS), kunyandiswa kwa basali ni banana ni kubona cwalo ze sweli kuezala kwa linaha zeo lubapani ni zona, ze swana sina Zimbabwe, South Africa ni amañwi cwalo. Mulumeli wa niti a si ka bizwa kuli

ni kubulela kuli %ñañi ni mañi aiponele+. Bupilo bwa a ili kubona lika ze sweli kunyandisa mizwale ni likezeli ka apelela liswanelo za bona za butu ni lika zeo ze o bwa bona.

Evangeli isusueza mañi ni mañi mwahala luna kacenu kuli aine aitukisize kakuli ha luzibi hola, nako kapa sibupeho seo mulena luna Jesu kreste akataha kasona. Le kilona libaka leo muhalalehi Mateu mwa palo ya bu 25:41-46 ali; batu babamwi batakomoka hahulu kanako ya katulo ya mafelelezo Jesu atali, %a mu zwe kuna, mina ba ba kutilwe ki Mlimu! Amuye mwa mulilo oqsa timi, o ukiselizwe satani ni mangeloi a hae! Kakuli neni lapile, kono ha musikanifa sa kuca; neni shwile linyolwa, kono hamusika ni fa sa ku nwa; ne ni li muenyi, kono ha mu si ka ni amuhela; ne ni li mapunu, kono ha mu sika ni fa liapalo; neni kula, nili mwa tolongo, kono ha musika ni babalela. qMi nibona bata mubuza bali mulena lukuboni lili unze ulapile, unze ushwile linyolwa, kamba uli muenyi, kamba uli mapunu, kamba ukula, kamba uli mwa tolongo mi lwa palelwa kukutusa? Mulena utaba alaba: ni mibulelela niti nili: kamita hane muhana kutusa yo mumwi wa ba ba nyinyani bao, ne muhana kutusa na. Bao he, bataisiwa mwa manyando hasafeli, kanti ba ba lukile bona, batakona mwa bupilo bwa kamita.

Nako ya luna ki nako ye etelezwi ki lika zeñata za lififi sina bunjebwe, busholi, kuitusisa milyani isi ka swanelo, kunataka basali, kutokwa misebezi ku babanca, kuikenya mwa mi sebezi ya diabulozi(Satanism), buñata bwa babanca baba tuwela likolo, litaba za mubu, butuku bwa mbande(AIDS) mi palo yazona haina mafelelezo. Butuku bwa mbande(AIDS) bunosi se busabisa ni kukeza kufenya butu bwa luna. Mo mwa Zambia hakuna lubasi kamba silalanda se si sa pumbeki muzwale kamba kezeli. Ye pizo ilubizeza kuli luitukiseze ni kutokomela buniti bwa butuku bo bwa mbande(AIDS) ni muyambukelo wa bona mwa lilalanda za luna.

Luna kakuba balumeli,ba sikreste, aluzibi lizazi leo mulena-luna Jesu kreste ataha kalona. Kono kaniti luli lwaziba kuli ukataha. %aiba utaha kasipundumukela ha swaneli kuto lufumana inge lu lobezi,mi zeni bulezi kumina ni libulela kumañi ni mañi:muine muitikisize!+

LIPUZO ZA KUNAHANISISA NI KUIKABELA MWA TUKWATA TWALUNA TWA SILUMELI

- Mwabupilo bwa luna bwa kazazi ni zazi, ki minelo ifi ye lutokwa kuli luine luitukisize ni kuina katokomelo kanako kaufela?
- Ki ka mikwa ifi yeo luswanela kuina inge luitukisize mwamiinelo kaufela?
- Nikona kueza sikamani kuitukiseza kutaha kwa mulena luna Jesu kreste la Kilisimasi (Christmas)?

PAPALI

Mube ni mutu alimuñwi yatabapala sina musizani ya sa zo feza (diploma course)sitopa sa lituto za mwa kupilela hande ni batu(social work). Nako kaufela yaya kwa kanganisano ya kukena musebezi(interviews), aketiwi ni haibile kuli unani ni linepo zende

wa kakuli banani batu ba ba baziba mwahala ababa
mulao wa lilimo ze peli wa kusafumana musebezi
a kakatalima za bu lyangelino. Kabekeni sa kuli na sika
abona kuli aweli mwa mukwa oswana wa
bulyangelino(corruption)opaleliswa baba ñwi kukena musebezi. uba mutala ni kuitumela ka
musebezi wa hae ni kulapela kazazi ni zazi kuli asike awela mwa muliko wa
bulyangelino(corruption). Ki tokomelo ni pilu telele yene ezize kuli a fumane musebezi ka
nzila yende.

LITAPELO ZA SICABA

- Mulena, utaha kuto lubonisa butokwa bwaluna kakuba bana ba mulimu, lubonise nzila ya kupila hande ni ba bamwi yeo ikona kutumisa butu bwaluna, mulena ulu utwe! Mulena ulutwe ka musa wa hao!
- Mulena ulu teezeza nako kaufela kwa linto kaufela ze lutokwa, ulutuse kuli luombaombe ba botana kasishemo sa mahata aluna, mulena ulu utwe! Mulena ulutwe ka musa wa hao!
- Mulena utile mwalifasi la luna kutisa kozo, lukupa kozo mwa lifasi, siulu mwanaha ya luna ya Zambia, kube ni muselo wa kozo mwa lipilu zaluna ni mwa malapa aluna, mulena,ulu utwe! Mulena ulutwe ka musa wa hao!

Evangelii:

Mateu 1:1-18

KU LUKISA NZILA KAKU KUTISANA

Halukena mwa sunda ya bubeli mwa nako ya kulibela ku taha kwa mulena aluna kunani tuto iliñwi ye taha ku luna patalaza mwa mibalelo ya luna kacenu. Tuto ya luna lu iutwa pili mwa kubala kwa pili mi mane ifitiswa kuluna ka kutala mwa Evangelii ãmulukise nzila ya Mulenaõ mu pangele Mulena nzila ye otolohileq

Mabemba ba bulelenga kuli, ãwakuensha ubushiku, bamutasha nga bwachaqku talusa kuli buitumelo ku mutu yono zamaya ni yena busihu bu fitiswanga lizazi halise li pazuzi mi musipili se ufelele. Ba likani baluna ba kwa Chipata ni bona ba bulelenga kuli, ãkavinavina unkumayangana ku mwamba, mwine kunga kuchereq ku talusa kuli haunze ubina bina, uswanela kuno talimanga ni kumamela nako konji ki cwalo kuswana waipumana kuli ukabe ukutezi kwa hae seli likezi mi katwa li pazula.

Cwale ãkulukisa nzila ya Mulenaqkatalusa ñi? Nto ye butokwa ki ku ncica lipilu za luna. Ki kulukisa lipilu za luna ku taha kwa Krete ka lizazi la kilisimasi kapa ku taha kwa hae kwa mafelezo kusike kwa lu fumana lu sika itukisa. Mulena aluna Jesu Krete asike a lufumana mwa sibi. Mulena asike alu fumana mwa mikwa ya luna ya kale ya mifili ni kusa lumelelana ni ba bamu. Nako ye, ki yona nako ya kuitama kueziza Mulena neba nto ilinwi feela pili asika taha kale. Mutu ni mutu wa itiba ili yena. Kamutala, mutu ni mutu wa ziba batu ba foselize, lwa ziba ze luezize ze sa lumelelani ni bupilo bwa luna bwa si Krete, mi mane lwa ziba mo lu foselize mulimu ya pila. Ku lukisa ka mukwa ocwalo he katalusa kunyakisisa ka butungi bupilo bwa luna bwa sikreste. Ku talusa kuunga musipili wa ku tatuba lipilu za luna ni ku bona kuli kanti kisifi seo si palelwise bunde bone lu bupilwe ni bona kuli bu sike bwa bonahala. Buka ya Simuluho ibulela hande fo kusweu kuamana za bunde bwa luna ni lifasi kamukana kwa makalo a lifasi. Ne kusina sibi kapa situmwanyanga mwa lifasi. Mi mane kasamulaho a kubupa lifasi, Mulimu yena kasibili ãna boni kuli zeo kaufela na bupile neili zende hahuluq(Simuluho 1:31). Ki kaho, mutu ni mutu uswanela kukala kubatisisa ni kubona batu bao lufoselize kabomu kapa isike ka ma boomu. Lu sinyize si bupeho se sinde seo Mulimu na lu bupile kasona mi mane luekelize kwa kusinya bunde bwa lifasi. Lifasi kaufela kacenu lilota mali kabakala se luezize kwa li bupiwa za lifasi kaufela; likota, mezi, lifololo cwalo cwalo. Mo mwa litolopo za luna, mwendi ikona kuba manyalala ni masila elusweli ku yumbakela feela fo lu fumana kaufela. Lu sweli ku yumbakela feela bi kopo by Shake-Shake, bya maheu kapa mane bya mezi mwa mikwakwa yaluna kaufela.

Ku lukisa nzila he ku kona katalusa ku kutisana ili luna, ni babamu, ni lifasi mo lupila kamukana ni Mulimu wa luna. Ku kutisana, ki kukutela kwa hae ku Ndate ya lulata hahulu. Sina mwana a litaswa, kaufela luna luswanela kubulela kuli, ãNa kutela kun date mi ni ka mubulela kuli, Ndate ni foselize lihalimu ni wean cwaloq Kuitebuha ni ku kutisana, ki

ka ma fosisa, mi a kimona mo liswanezi kubela. Ka ku

nata ze lu konile kueza. Kono kunani lika ze sika konda kabakala bu lyangelino bwa luna ni bwa baeteleli baluna ba ba sasepahali. Lunani ku lumela kuli bupilo bwa luna ni naha yaluna itokwa ku foliswa ka kukutisana kusina ku lekana likweta. Ku nani mi sindi ye luswanela ku selela ka kuba ba lumeli; kakuba ba lipolitiki kapa mane kaku ba babeleki ba muuso. Luswanela kuunga nako ye ya sishemo ku koma saluluti sa mishobo, busholi mane kapa kufeba. Mwa kubala kwa bubeli Pitolosi ubulela uli Mulena haezi kaku lieha sa sepisize, sina mo ba hupulela ba banwi, kono umieza ka pilu telele, kakuli halati kuli kushwe ni haili alimunwi feela, sa bata ki kuli kaufela ba tuhele libi za bonaq Luswanela ku lumela feela kuli a kuna se sili sa luna fa lifasi fa kono lu lisebeliso feela. Ka cwalo, luswanezi ka linako kaufela ni mwa li baka kaufela ku tumisa likwabukwabu, bundume, buikokobezo, tokomelo, butali mi mane ni busepahali. Mulena ate alufumane luitukisize mwa tapelo, ni kutwano. Amen.

LIPUZO ZA KU NYAKISISA NI KUIKABELA MWA TU TENGO

- Kana mwa kona kufa mutala ku zwela mwa Testamenti ya kale mo kukutisana kapa swalelano ibonahala fo kusweu?
- Kana ni kile na utwa kapa ku bona butokwa bwa ku kutisana ni mutu yeni foselize kapa ya ni foselize?
- Kana kinto mani ye tuna ye kona kusitatalisa kapa kupalelwiswa swalelano kappa kutisano?

PAPALI

Kube ni muuna ni musala hae ni banana ba balalu. Muuna yena ano tahanga ka kuliyea kuzwa Kwa musebezi zazi ni zazi, asike aca lico ni kuina ni lubasi lwa hae kakuli una ni nyazi kwayo liyehelanga. Musali abuzwa muuna ahae, muuna yena u musabisa kuli ukabe a lelekwe. Musali ukatezi kuno buzanga mi wa kuza feela kubona zeezahala. Muuna cwale wa lemaha kuli musala ahae wa nyanda mi ni bana bahae a basa eza hande kwa sikolo ka bakala butata mwa lapa. Muna ulemuha ma fosisa a hae, mi u kutisana ni Mulimu pili, kona a kutisana ni lubasi lwa hae. Muuna utuhela silikani sa hae ni nyazi. Lubasi lwa taba hape.

LITAPELO

- Mulena, u luhupulisa kuli joko ya hao ibunolo mushimbo wa hao ububebe, u lukonise kunolofaza li joko ni mishimbo ya babamu, sihulu ba botana ka kulufa bundume bwa ku lwanisa ketululo mo mwa Zambia. Mulena uluutweo . Mulena uluutwe ka musa wa hao.
- Mulena, utaha kuto bulela linzwi la pabalelo ni musa, lwa kukupa ulutuse kubonisa pabalelo ku mutu ni mutu hamoho cwalo ni libaka za luna. Mulena u lu utweo
- Mulena, utaha kuluna kakuba sisupo sa ku kutisana, u tuse bao baba pila mwa mifilifili ni lifapahano kuli bakone ku utwa swalelo yahao. Mulena u lu utweo

MUSEBEZI WA KRESTE!

Ha se lukena mwa butungi bwa nako ye ya kuitukiseza kilisimasi ku butokwa ku ipuza kuli kana ki mañi ye lu litela mi musebezi wa hae ki ufi? Majuda ne ba na ni mihupulo ye miñata ku amana ni Mesia ni misebezi ya hae. Nebalibelezi kuli Mesia yo ukato Iwanisa Maroma ni ku ba hapa kuitusisa mata a butu. Ki kabaka leo sicaba mwa nako ya Joani mukolobezi ne batabile hahulu. Baeteleli ni ma-levi ne ba hankufile ku yo buza Joani kuli kana li yena mañi? %kana ki wena Eliya?+ kushomboka ni kunjanja kwa bonahala bakeñisa lipuzo za mufuta o cwana. Joani naswanela kubulela sesimu ku ama ni bupilo bwa hae kuli sicaba se sikute ni kalabo.

Joani nabuziwa lipuzo zeñata cwana kakuli majuda sihulu baeteleli ne ba bata kuziba kuli kana Mesia yo ye ne baalibelezi ki ya cwani. Kono Joani na bonahala inge na sa zibi musebezi wo ne ukato eziwa ki Mesia. Sanaziba neli buniti bwa kuli Mesia yo ukataha ni moya wo munca mi ukataha ni mulilo. Joani a ba taluseza kuli Mesia ki mutu yo mutuna hahulu mi yena Joani a swaneli ni haba ku tamulula makatulo a hae.

Musebezi wa Mesia yo wa bulelwa hande-nde mwa kubala kwa pili ni musebezi wa katoeza. Isaya utalusa kuli Mesia yo utezi moya okenile mi utozizwe moya okenile. Musebezi wa hae u ka ba %ku luta babotana litaba ze nde, kuto hueleza tukuluho ku ba ba hapilwe, kuto tutubulula met a libofu ni kuto lukulula ba ba nyandswa+. A I manzwi a tukuluho mi manzwi atisa sepo mwa bupilo mwa mulumeli kaufela.

Ka manzwi a mamu, Mesia ya taaha utisa kozo ni niti kwa sicaba kaufela. Jesu kasibili wa taleleza manzwi a mupolofita Isaya a li %acenu liñolo leo li talelelizwe munze mu ikutwela+ Musebezi wa Jesu ki kutisa moya wa mulimu, ili bona bupilo bwa mulimu mwa lifasi mo, ili moya wa niti ni wa kozo.

Hakuna mo lu kona kukutisanela ni babamu haibanji hakuna niti mwa bupilo bwa luna. Lulemuha kuli kutata hahulu kuambola za kozo haibanji mwa bupilo bwa luna haibanji niti haiyo. Zwelopili ikona fela ku ba teni niti haili teni. Kuluka ni niti libutokwa mwa bupilo bwa luna, mwa likolo za luna, mwa naha ya luna mane ni mwa likopano za luna.

Ku ya ka musebezi wa Kreste mwa buka ya Isaya, puluso ibonahala kotalima fa lika zeñata, ha ki puluso ya moya fela kono luambola fa puluso ya mutu mutumbi. Ha ki puluso fela yako lu ka yo pila mo lu kayo opelela %kenile, ukenile+ mwa lifasi le li taha kono puluso ya lifasi mo luinzi la kacenu le. Puluso kuamana ni mo lupilela niba ba mu, mo lubonela ba le ba ba nyandile, ba ba hapilwe mane ni bale ba ba libezwi. Puluso ikalela mwa libaka za luna, mwa naha ya luna kuli sicaba kaufela bapile bupilo bob u nde.

liso mwa libaka za luna lu lemuhe kuli ku na ni moya wa Krete. Jesu naingile nako ku luta sicaba sa hae Jesu na babalela mioya ya bona mane ni lika kaufela

Pizo ya luna ka ku ba Bakreste ki ku yemela misebezi ya Jesu Krete ni ku bona kuli hakuna lufenyo ni nyandiso ya ba bamu. Ka niti luli lu lizwai ni liseli la lifasi. Ku ya ka pampili ya lika ze kulubelwa ku amboliwa mwa mukopano wa bubeli wa Africa (64) lu lemuswa musebezi wa mukreste mwa lifasi mo.

“Kakuli balumeli kaufela ba na ni kabelo mwa kelele ku amana ni musebezi wa keleke, kabelo ya bona ku amana ni kutisano, kozo ni niti ki ya butokwa hahulu-ku lwanisa sobozi mane ni kuyaha kopano mo kusina sobozi”

Moya w a Mulimu u ka ba mwa hala luna ha lusanyandisi basali, lindiyala , ba beleki ba luna, macembele, lihole mane ni bao kaufela ba ba saikoneli mwa libaka za luna. Lwa kona ku lwanisa mibuso ye nyandisa ba bamu.

LIPUZO ZE LUSWANELA KUNAHANISISA NI KUIKABELA MWA TUKWATA TWA LUNA.

- Niti kiñi? Kana ki likamani ze maswe ze ezahala mwa libaka za luna?
- Kana koto ye ne ifilwe ku lisholi fa sifapano ne ilukile kappa ne? haibanji neilukile ki ka mabaka afi?
- Ki mabaka afi ao niti ibonahalela mwa keleke/kappa mo kubonahalela sobozi mi lukona kutiswa cwani niti mwa keleke ya luna?

PAPALI

Ku be ni mutangana ya swanela kubapala kalulo ya kuli wa bona sizana hainyaliswa ki bashemi isali yeinyani mi masheleñi a fiwa micaha kuyo lifa kwa likolo. Mutangana yo ulumela kuli sizana ni micaha ba kaufela ba na ni litukelo za likolo kono mutangana yo hana mata a kulwanisa miinelo ye cwalo. Wa lapela ku Mulimu kuli a mufe mata hakulwanisa miinelo ye cwalo. Mi hafiwa mat a kona kutusa sicaba kulemuha bumaswe bwa ketululo y ee ieziwa ku basizani. Masika kaufela batabela hahulu mi ba belekisana hamoho ni yena kulwanisa manyalo a banana.

LITAPELO ZA MWA TUKWATA

- Mulena, lwa kukupa kui ulufe grasia ya kulemuha kuli mutu kaufela ubupilwe mwa sibupeho sa hao, Mulena ulu utwe, Mulena ulu utwe ka musa wa hao!
- Mulena lukupa kuli baeteleli ba luna kaufela ba fumane likalabo za niti,ni za kozo kwa litaba kaufela za niti. Mulena ulu utwe. Mulena ulu utwe ka musa wa hao!
- Mulena ka swalelo ni foliso ya hao utakula mioko ya luna, lwa kupa kuli ulupange sisupo sa foliso ku ba le ba ba lobehile lipilu kaufela, mulena ulu utwe. Mulena ulu utwe ka musa wa hao.

KUSEPA MATA A MULIMU

Ha se luatumela ku pepwa kwa mulena luna, litapelo za luna lincinca litocho kuzwa kwa bulibeleli ni musebezi wa Krete mi likala kutalima ku Maria ili yataba ni mwana yena Emanueli Evangelii ya luna italima ku Maria. Maria nakomokile hahulu ku utwa kuli ukapepa mwana mi uka mu be, ya libizo la Jesu. Buniti bwa kuli Maria u ka ba mahe Jesu ne bu muzingile ni ku mu komokisa hahulu Maria.

Kono lwa ziba kuli manzwi a lingeloi Gabriele ku Maria ni kwanali a tata cwalo, kimanzwi ao lifasi kaufela neli litezi ku utwa. Manzwi ali Mulimu uto ina mwahala luna ki manzwi a sepo. Kalibaka leo, Maria na na ni kolo yetuna hahulu mwa puluso ya sicaba ka nako yeo na potezwi. Lifasi kaufela ne litalimela ku yena kuli a belekisane ni mata a Mulimu.

Manzwi a, ni musebezi wo ne u latelela neutatafalile hahulu ku Maria ~~zi~~ kaezahala cwañi na hanizibi muna? ye neli puzo ya niti, ni puzo ye yemela minahanelo ya luna batu. Puzo ye iyemela lipuzo zeñata ze luipuzanga ku amana ni lika ze ezahala mwa bupilo bwa luna. Lipuzo ze swana sina: Kana bupilo bwaka bu ka ba hande hape? Kana ni kazwa mwa matata a? Kana bupilo mwa Zambia bu kaba hande hape? Kana bana ba luna ni sicaba sa nako ye sikapunyaha kwa butuku bwa mbande kapa ne? babanca ba buza lipuzo ze swana ku amana ni bukamusu bwa ,bona. Kabukuswani bupilo bukaba cwani kwa pili ku talimela matuku ni manyando a mañata a? sina Maria lu na ni lisabo za luna mane ni maswenyeho a mifuta-futa. Shutano ye liteñi ki ya kuli Maria na si ka saba ni ku felelwa ki sepo mwa mata a Mulimu. Ki ka libaka leo, lingeloi Gabriele ne li mu sepisize kuli hakuna se sipala ku mulena. Gabriele a mu upulisa za Elizebeta yana bulelwa kuli hasaitwala, mi lingeloi la mulemusa kuli Elizebeta sa tulilwe ki likweli ze sikisi. Lingeloi kacenu li lu lemusa kuli hakuna se si pala ku mulena, lika kaufela za konahala.

Linako zemu tumelo ya luna ya shekeshanga hahulu sihulu ha lu inzi mwa maswenyeho a lifasi mi lutokwanga temuso ye swana sina ye ne iezahalile ku Maria. Lwa kupiwa mwa sunda ya kacenu kuli lu uncafaze tumelo ni sepo ya luna ku mulimu. Luna bakreste, lu lemuha kuli mulimu wa lu lwanela lindwa zeñata. kolo ya luna ki kusepa mulimu ni ku eza ze lukona kueza. Zemu kaufela lutisa mwa mazoho a mulimu. Luswanela ku likanyisa Maria mwa manzwi a %Na ni mutanga fela+ mane ni kulapela ni mubuleli kuli tuso ya luna l mwa mazoho a mulena ya pangile lihalimu ni lifasi (Lisamu 120:2) Mulena uka talimela ya le kaufela ya sepa ku yena.

Mwa naha ya luna Zambia kacenu, bakeñisa matata a mañata hahulu lukona kufelelwa ki tumelo. Kono lu lemuhe kuli lu na ni limpo zeñata hahulu ze zwa ku mulimu: mubu, mezi, butale mane ni kozo yona kasibili. Linaha zemu za lushwela muna! Lusepe mulimu sina

ukaba ni mulao o munca o munde ili yona Constitution, simbande bukafela, mi lukapila mwa tabo ni niti.

Maria kuya-kuile ukaba mutala wa bulutiwa, sepo ni tumelo ku Mulimu. Lu lutiwa kuteleza kwa manzwi ni tato ya mulimu, ni ku beya bupilo bwa luna mwa mata a mulimu ya si ke kulumata. (Jeremia 29:11-14) Ulu tuse kubeya lika mo liswanelela habulela kuli %Naziba mulelo o ni na ni kuwena-mulelo wa kuli uzwelepili isike ku kunyandisa, kono ku kufa sepo ni bukamusu+

Ha lu kupeni tumelo ni sepo ye swana sina ya Maria kuli lupile mwa lilato ni mwa mata a Mulimu.

LIPUZO ZA KUNAHANISISA NI KUIKAMBOTA MWA TUKWATA TWA SILUMELI.

- Ki linako lifi tumelo ya luna ibanga ye tiile hahulu ni linako zeo ibonahalanga kushekesha?
- Ki ka mikwa ifi yeo Maria nna likile bupilo bwa hae ka kulumela pizo ni musebezi wan a bizelizwe?
- Ki ka mikwa ifi yeo lukona kupepa Jesu mwa tukwata twa luna?

PAPALI

Ku be alimuñwi ya ka bapala kuli ki mbelwa mi u na ni bana ba ba beli. Lusika lwa hae neli lusika lone lufumile hahulu wa munna a si ka shwa kale. Bufumu ne bu si ka amuhiwa ki ba lusika kono mitangana ba ba beli ba balekimize kolo ya tutu ye inge baleka milyani ye kola. Musali yo sa felelwa ki tumelo kakuli businyi bwa banana ba bu botanize lusika kaufela. Kwa mafelelezo lusika lo lwa palelwa ku ipilisa hande. Musali yo nasepile fela mata a Mulimu ka litapelo za hae , mi kasumulaho micaha ba bacinca bupilo bwa bona mi lusika lo lwa kala kupila hande hape.

LITAPELO ZA MWA TUKWATA

- Mulena lulapela kuli ulufe grasia kuli lube ni sepo ya kuli ukatalima lika kaufela ze lu bata mwa naha ya luna ye ya Zambia, Mulena ulu utwe. Mulena ulu utwe ka musa wa hao!
- Mulena lukupa kuli lusike lwa felelwa ki sepo sihulu mwa matuku kappa ha lu inzi mwa butata bwa kupalelwa kuyusa mabasi a luna. Mulena ulu utwe . Mulena ulu utwe ka musa wa hao!
- Mulena lukupa kuli ulupange ba ba ishuwile kulatelela mutala wa hao mi uine ni luna ni haluli baeza libi. Mulena ulu utwe. Mulena ulu utwe ka musa wa hao!